

ЁШЛАРНИНГ ОИЛАВИЙ ҲАЁТ ҲАҚИДАГИ ТАСАВВУРЛАРИ ВА ОИЛАВИЙ ҲАЁТДАН ҚОНИҚИШ УЙҒУНЛИГИ МАСАЛАЛАРИ

Ж.Мажидов Жиззах давлат педагогика институты ўқитувчиси

majidov-jdpi@mail.ru

АННОТАЦИЯ

Ушбу мақолада ёшларнинг оилавий ҳаёт ҳақидаги тасавурлари ва оилавий ҳайётдан қониқиши масалалари хусусида фикр-мулоҳазалар юритилган бўлиб, баҳтли оила борасидаги олимлар қарашлари, ёшларда турмушга етуклик мезонлари ва оилавий ҳаётдан қониқишнинг уйғунлиги масалалари хусусида айрим хуносалар баён этилган.

Калит сўзлар:оила, баҳтли оила, фаровон ҳаёт, турмушга етуклик, ўзаро мулоқот, оилавий ҳаётдан қониқиши.

ISSUES OF HARMONY OF YOUNG PEOPLE'S REPRESENTATION ABOUT FAMILY LIFE AND SATISFACTION WITH FAMILY LIFE

ANNATATION

This article analyzes the problems of young people's perception of family life and issues of satisfaction with family life. The article describes the conclusions about the views of scholars about a happy family, criteria for maturity to family life and harmony in family life.

Key words: family, happy family, maturity to family, communication, satisfaction with family life

ВОПРОСЫ ГАРМОНИИ ПРЕДСТАВЛЕНИЯ МОЛОДЕЖИ О СЕМЕЙНОЙ ЖИЗНИ И УДОВЛЕТВОРЕННОСТИ СЕМЕЙНОЙ ЖИЗНЬЮ

АННОТАЦИЯ

В данной статье проанализированы проблемы представления молодежи о семейной жизни и вопросы удовлетворенности семейной жизнью. В статье описаны выводы о возрениях ученых о счастливой семье, критерии зрелости к семейной жизни и гармония семейной жизнью.

Ключевые слова: семья, счастливая семья, зрелость к семье, общение, удовлетворенность семейной жизнью

Жадал суръатлар билан ўзгариб бораётган бугунги мураккаб глобаллашув даврида ахборот коммуникацион технологияларининг ривожланиб кетиши, ахборот оқими тезлиги бевосита оиласи ҳаёта чуқур таъсир кўрсатиб, бу ўз навбатида замонавий турмуш ҳамда меҳнат шароитларидағи муносабатларда инсоннинг мослашувчан бўлишини талаб қилиб, замон шиддатига хос тасаввурларнинг, қарашларнинг таркиб топишига омил бўлмоқда.

XX асрнинг 50-60 йилларидан бошланган «фаровон турмуш» тўғрисидаги тушунчалар бугунги кунга келиб оиласи ҳаёт асосини яратиш борасидаги одамлар тасаввури, дунёқарашига ўзининг чуқур таъсирини ўтказмоқда. Айниқса XX асрнинг 80-90 йилларига келиб оиласи ҳаёт муаммоларини ўрганиш борасидаги кенг қўламли тадқиқотлар ўтказилишини жамият ҳаётида оила барқарорлиги билан боғлиқ кун тартибидаги асосий муаммолар: оила бузилишларининг кескин ошиши, болаларни туғилиш сонининг камайиши, никоҳсиз оилаларнинг кўпайиши, психик ва асад касалликларининг ортиб бориши ва шу каби муаммоларнинг кўпайиб бораётганлиги мазкур соҳада ҳал қилиниши керак бўлган муаммоларни тизимли ўрганишга даъват етиб келмоқда. Жамият ҳаётида содир бўлаётган бундай ўзгаришлар инсонлар онгидаги акс этиб ўзига хос тушунча ва тасаввурлар шаклланишига олиб келмоқда. Масалан бир пайтлар турмушдан ажralганлик ўзига хос “иснод” сифатида тушинилса, бугинги кунда эса уз ҳаёт йўлини истаганидек қуриш учун қониқиши ҳиссини вужудга келтирадиган омилга айланди. Бундан ташқари аёллар иқтисодий мустақиллигининг таъминланиши билан никоҳ қачонлардир бўлганидек иқтисодий шериклик заруриятининг натижаси ҳисобланмай қолди.

Тадқиқотларнинг гувоҳлик беришича, «баҳтли оила» ва «фаровон турмуш»ни таъминловчи муҳим жиҳатлар тўғрисидаги ўспиринлар

тасаввури билан оилалилар тасаввури ўртасида кескин фарқ мавжуд. Бу ҳолат айниқса оиланинг маънавий ва моддий ҳаёти тўғрисидаги тасаввурларда ёрқин намоён бўлади. Никоҳдан кейинги ҳаёт эр-хотиннинг ўз турмуш тарзи ва тажрибалари ёрдамида ўзларининг баҳтли оилаларини қуришга ундаиди ва бу ижтимоий воқеликни улар реал тушуна бошлайдилар.

Рус олими С.В.Ковалевнинг таъкидлашича, ёшларда оилавий ҳаёт ва турмуш тарзига хос тўғри тасаввурлар етарли эмаслиги сабабли турмуш қурганларида оила- никоҳ муносабатларидан қониқмаслик ҳолатлари кўп учрайди. Шунинг учун ёшлар ўсиб улғаядиган ва ўқиш жойларида уларни оилавий ҳаётга, турмушга тайёрлаш, уларда баҳтли оила ва фаровон турмушни таъминлайдиган зарур сифат ва фазилатларни шакллантириш, уларни бўлғуси оила тўғрисидаги романтик, ширин ҳаёллардан, ҳар хил ҷалғишилардан қутқариш билан боғлиқ тарбиявий шарт-шароитларни яратиш тўғрисидаги қимматли маслаҳатларни илгари суради.

Хорижий мамлакатларда шу соҳада ўтказилган тадқиқотлар натижаларига кўра, юқори синф ўқувчиларида баҳтли оила қуришлари учун уларда иккита муҳим жиҳат шаклланган (улар эгаллаган) бўлиши шарт. Биринчиси, ғоявий етуклиги (иқтисодий таъминланганликка нисбатан ҳам), иккинчиси, ўзаро муносабат ва мулоқот маданияти таркиб топган бўлиши зарур. Шу билан бир қаторда оила кураётган ёшларда ўзини ўзи англаб, ўзидаги қусурларни қисқартиришга интилиш, воқеа ва ҳодисаларга ўзгалар назари билан қараш, муомалада юқори маданиятилилк, бошқаларнинг хоҳиш ва қарашлари билан ҳисоблашиш, севгини улуғлаш, бир-бирига барқарор ишонч, бир-бирини тушунишнинг юқорилиги, бир-бирига хурмат ва садоқат каби фазилатлар ҳам мужассамлашуви кераклиги тадқиқотларда аниқланди.

Баҳтли оила масалалари билан шуғулланган етакчи социолог ва психологолимлар унинг 11 та энг муҳим шарт-шароитлари мавжудлигини аниқлаганлар:

1. Эр-хотиннинг ўзаро бир-бирини тушуниши. 2. Алоҳида уй-жойнинг мавжудлиги. 3. Моддий жиҳатдан яхши таъминланганлик. 4. Фарзандлар. 5. Никоҳ мустақкамлигига ишонч. 6. Оилада бўш вақтни қизиқарли ўтказиш. 7. Ўзига ёқсан иш билан таъминланганлик. 8. Маълумотнинг мослиги. 9. Иш жойининг қулайлиги. 10. Яхши дўстларнинг мавжудлиги. 11. Эр-хотиннинг эркинлиги.

Уларнинг тадқиқот таҳлилларига кўра, қайси бир оилада ана шундай имкониятлар мавжуд булса, у оилани баҳтли оила дейиш мумкин, унинг аъзолари эса баҳтиёр ва фаровон турмуш кечираётганларидан дарак беради. Яна шу нарса маълум бўлдики, оилада баҳтли ва фаровон турмуш вужудга келиши учун юқорида келтирилган шарт-шароитлар ўз аҳамиятига кўра эр билан хотин учун бир хил эмас. Масалан, «эр-хотиннинг бир-бирини тушуниши», «алоҳида уй-жойнинг мавжудлиги», «моддий яхши таъминланганлик», «фарзандлар» ва «қизиқарли иш» аҳамиятига кўра, эрда бошқача, хотинда эса бошқача баҳоланганд. Эр биринчи ва иккинчи ўринга «алоҳида уй-жой билан таъминланганлик» ва «моддий яхши таъминланганлик»ни, кейин бошқаларини қўйса, хотин эса биринчи ва иккинчи ўринга «эр-хотиннинг ўзаро бир-бирини тушуниш», «фарзандлар» ва сўнгра эса «алоҳида уй-жой», «моддий яхши таъминланганлик» ҳамда «қизиқарли иш»ни қўяди. Бундан кўриниб турибдики, баҳтли ва фаровон оила мазмунини энг муҳим томони ҳаёт ва фаолиятнинг зарур шарт-шароитлари, болалар оила иттифоқи барқарорлигининг муҳим мазмун-моҳиятини ташкил этади.

Оилавий муносабатларни ўрганиш соҳасида эстониялик олимлар Э. Тийд ва В. Уковаларнинг олиб борган тадқиқотлари диққатга сазовордир. Улар оиладаги эр-хотин ўзаро муносабатлари характерига қараб унинг моделларини ишлаб чиқадилар. Уларнинг фикрича, ҳозирги жамиятда кўпроқ оиланинг 2 та модели: анъанавий (асимметрик) оила модели ва замонавий (симметрик) оила модели учрайди. Анъанавий (асимметрик) оилада эр сўзсиз оиланинг иқтисодий таъминотчиси ва

унинг бошлиги саналади. Оиладаги иттифоқ мавқеини у белгилайди. Оила ҳаётига хос ташкилий ва бошқа муҳим муаммолар ечимини у белгилайди. Шу боис, эр оиладаги бошқа ташвишлардан озод қилинади. Аёл эса анъанавий оилаларда унча кўп даромад келтирмайди ёки нисбатан оз даромад келтиради. Унинг учун энг муҳими фарзанд кўриш (туғиш) ва оила хўжалигини намунали юритиш, болаларни назорат қилиш ва уларнинг камолоти билан шугулланишдир. Шунга кўра, оила юритиш жавобгарлиги кўп жиҳатдан унга боғлиқ бўлгани учун ундаги микро муҳитни яратиш ва шакллантириш ташвиши, асосан, унинг мажбуриятига киради. Замонавий (симметрик) оилада эр-хотин ўзаро муносабатлари анъанавий оиладагидан фарқли ўлароқ (ёки бу оила эгалитар (французча - тенглик) оила ҳам дейилади) ундаги барча роллар хоҳ иқтисодий, хоҳ у тарбиявий бўлсин ҳаммаси эр-хотиннинг хамкорлигига, биргалигига амалга оширилади. Улар оила хўжалигини бирга юритадилар, унинг масалалари ва муаммоларини бирга ҳал қиласидилар ҳаттоқи, то тарбиявий масалаларгача. Шунингдек, Э.Тийд ва В.Уковаларнинг кўрсатишича, оиланинг мустаҳкамлиги, ундаги муносабатларнинг аниқ мақсадларга қаратилганлиги ва йўналтирилганлиги билан ҳам белгиланади. Улар оилавий муносабатлар мақсадини кўпроқ З йўналишда бўлишини фарқлайдилар. Оилавий муносабатлар барқарор бўлади, қачонки:

1. Мақсад - болалар тарбияси билан боғланган бўлса;
2. Мақсад - эр-хотиннинг шахс сифатида янада ривожланиб боришини асосласа;
3. Мақсад - оила учун зарурий нарсаларни, уйни шинам ва орасталигини таъминлашга қаратилган бўлса.

Кўриниб турибдики, оила барқарорлиги оила аъзоларининг ўзаро хурматга, севги-муқаббатга, жавобгарлик бурч ҳиссига ва эр-хотиннинг психологик ва жинсий ўзаро мослигига асосланган жуда мураккаб, кўп қиррали ва кўп даражали муносабатлари натижасидан иборатдир. Шу

боис, ҳозирги ёшларга оила бузилишининг муҳим сабабларини тушунтириш билан бирга оила бекарорлигига олиб келувчи жуда мураккаб омиллар таъсирини ҳам далиллаб бориш зарур. Аксарият тадқиқотлар натижаларига кўра, оила бузилишининг энг муҳим сабаблари: эр хотиннинг бир-бирига нисбатан ишончининг йўқолиши, хиссиётнинг (севги-мухаббатнинг) сусайиши, характер хусусиятларнинг мос келмаслиги, эр хотиндан бирининг бола кўришга лаёқати йўқлиги ёки жинсий қониқмаслик ҳолатларидан иборатдир. Бундай натижаларни узоқ ва яқин чет эл психологлари олиб борган тадқиқотларда ҳам яққол кўришимиз мумкин. Оилада шахслараро муносабатлар маданиятининг шаклланганлиги оила аъзоларининг жамиятда ўз ўрнини, қадрини топишга ўз истак ва қобилияtlарини рўёбга чиқаришга имконият яратади. Агар унда оилавий муносабатлар тўғрисида тажрибалар етарли даражада шаклланмаган бўлса ёки шаклланмаса унда турли муаммолар ва низолар шаклланади. Оилада тотувлик йўқолади ва унда ноxуш психологик муҳит ҳосил бўлади. Оила аъзолари жамиятда ҳам ўз ўринларини топа олмайдилар. Энг муҳими шуки, бундай ҳолат фарзандлар камолотига ҳам салбий таъсир кўрсатади.

Юқрида кўрсатиб ўтилган муаммоларни ҳал қилишда ёшларда оилавий ҳаёт тўғрисидаги тасаввурларини реал ҳаёт билан уйғунлигини таъминлаш борасида бугун кенг жамоатчилик эътиборини қуидаги масалаларга қаратиш лозим:

- Оилавий ҳаётдан қониқиши даражаси сифатида эътироф этилаётган ижимоий компетентлик ёки муомила маданияти шаклланишида оилавий ўзаро мулоқотнинг ўрнини унитмаган ҳолда турли сериаллардан бош кўтармай, ижтимоий тармоқ (телеграмм) боғланиб қолган ота-оналарга психологлар таъбири билан айтганда, фарзандлари билан 10 дақиқалик мулоқотни йўлга қўйиш орқали бола шахсини ижтимоийлаштирувчи вазифасинини бажариб боришини назардан қочирмаслик керакки, бу ўз навбатида ҳам ижтимоий билимдонликка асос бўлсин, ҳам ижтимоий тажриба узатилишига асос бўлсин. Зоро С.Л.Рубинштейн фикри билан

айтганда: “Инсон ҳаёти асосини, ўзгини ўзга киши , одамларга бўлган муносабат ташкил қиласди. Инсон “юраги” унинг бошқа одамларга бўлган муносабатларидан тўқилган; унинг баҳоси, баҳоланиши одам қандай инсоний муносабатларга интилишига қараб, одамларга ва ўзга кишига қандай муносабат ўрната олишига қараб аниқланади. Инсоннинг бошқа одамларга бўлган муносабати асосида инсон ҳаётини таҳлил қилиш психологияни асосий ядроини ташкил этади”.

- Ёшларнинг оилавий ҳаётга, турмушга етуклигини белгиловчи шахснинг маънавий ва ахлоқий етуклиги масалаларини белгиловчи мезонларни ишлаб чиқиш борасида амалий тадқиқотлар олиб бориш лозимки, бунга кенг жамоатчилик эътиборини айниқса, олимлар, илмий тадқиқотчиларни тортиш лозим. Чунки бу жиҳат ҳақида аниқ бир мезон ва тавсиф ҳозирча ишлаб чиқилмаган. Шунингдек психологик етуклик масалаларини ҳам эътиборга олиш лозим.

- Бугунги кунда “фаровон ҳаёт” га эришиш, яхшигина пул топиш илинжида чет элларда миграцияда юрган ёшлар ўзи билан жинсий йўл орқали юқадиган турли касалликларни ҳам олиб келмоқдаки, бу ўз навбатида оилавий ҳаётдан қониқишининг асосий омили бўлган фарзандли бўлиш имкониятларини ҳам чекламоқда. Шундай экан оилавий ҳаётдан қониқиши фақат моддий тўкинликни таъминлаш билан тўлалигича адo этилмаслигини ҳам унутмаслигимиз лозим. Бу ўз навбатида моддий қадриятлар билан маънавий қадриятлар уйғунлиги масалаларини яна бир бор таҳлил қилишимиз лозимлигини кун тартибига қўймоқда.

Фойдаланилган адабиётлар

- 1.М.Файзиева, А.Жабборов. Оилавий муносабатлар психологияси. Тошкент «Янги аср авлоди» 2007 йил 144 бет
- 2.Оила психологияси: Дарслик. Педагогика олийгоҳлари талабалари учун // Муаллиф: В.М.Каримова. – Т.:, 2007. – 316 б.

3. Ф.А.Акрамова Ижтимоий психология (ўқув қўлланма)– Т., 2007. – 166 б.
- 4.Majidov, J. (2020). ПРОФЕССИОНАЛ ФУТБОЛ ЖАМОАЛАРИДА “ТРЕНЕР-СПОРТЧИ” ТИЗИМИДАГИ МУНОСАБАТЛАРНИНГ ЎЗИГА ХОС ХУСУСИЯТЛАРИ. *Архив Научных Публикаций JSPI*.
- 5.Majidov, J., & Majidova, G. (2020). SHAXS IJTIMOIY TARAQQIYOTIDA OILA MUHITINING O'RNI. *Архив Научных Публикаций JSPI*.
- 6.Majidov, J. (2020). PSYCHOLOGICAL CRITERIA OF THE LEADER PERSONALITY. *Архив Научных Публикаций JSPI*.
- 7.Majidov, J. (2020). Социальный интеллект как совокупность способностей, обеспечивающих адаптацию личности в обществе. *Архив Научных Публикаций JSPI*.
- 8.Majidov, J. (2021). СПОРТДАГИ МУЛОҚОТ ИЖТИМОЙ ПСИХОЛОГИК ҲОДИСА СИФАТИДА. *Журнал Педагогики и психологии в современном образовании*, 1(1). извлечено от <https://ppmedu.jspi.uz/index.php/ppmedu/article/view/723>
- 9.Majidov, J. (2021). ФУТБОЛ ЖАМОАЛАРИДА ЎЗАРО МУНОСАБАТЛАР КЕЧИШИНинг АЙРИМ ҲУСУСИЯТЛАРИ. *Журнал Педагогики и психологии в современном образовании*, 1(1). извлечено от <https://ppmedu.jspi.uz/index.php/ppmedu/article/view/724>
- 10.Qodirova, M. (2020). Voyaga yetmagan o'smirlar xulq atvorini shakllantirishda olib boriladigan ishlar mazmuni. Архив Научных Публикаций JSPI.
- 11.Qodirova, M. (2020). Особенности периода взросления подростка. Архив Научных Публикаций JSPI.
- 12.Qodirova, M. (2020). Bolalar idrokini rivojlantirishda mashg'ulotlarning o'rni. Архив Научных Публикаций JSPI.
- 13.Qodirova, M. (2020). Psixologiya fanlarini o'qitishda zamonaviy texnologiyalarning o'rni va ahamiyati. Архив Научных Публикаций JSPI.
- 14.Qodirova, M. (2020). РОЛЬ ЗАНЯТИЙ В ФОРМИРОВАНИИ И РАЗВИТИИ СПОСОБНОСТИ РАЗМЫШЛЕНИЯ У ДЕТЕЙ. Архив Научных Публикаций JSPI.

- 15.Qodirova, M. (2020). KICHIK MAKTAB YOSHI 0 ‘QUVCHILARINI HAR TOMONLAMA SHAKLLANTIRISHNING PSIXOLOGIK XUSfSIYATLARI. Архив Научных Публикаций JSPI.
- 16.Qodirova, M. (2020). Shaxsning ichki konfliktlari va mexanizmlari. Архив Научных Публикаций JSPI.